

**PEMBERITAHUAN PERTANYAAN DEWAN RAKYAT**

**PERTANYAAN : BUKAN LISAN**

**DARIPADA : DATUK TAKIYUDDIN HASSAN [ KOTA BHARU ]**

**SOALAN NO. 458**

**TUAN TEH KOK LIM [ TAIPING ]** minta **MENTERI KEWANGAN** menyatakan jumlah wang yang dibayar dan bilangan rakyat yang telah menerima Bantuan Sara Hidup/BRIM (sebelum ini) sejak ia diperkenalkan sehingga 2018 dan jangkaan untuk tahun 2019.

**JAWAPAN**

Tuan Yang di-Pertua,

1. Bantuan Sara Hidup (BSH) merupakan salah satu bantuan bersasar bagi golongan berpendapatan rendah (B40) meringankan kos sara hidup mereka di samping membuktikan keprihatinan Kerajaan Pakatan Harapan terhadap golongan yang memerlukan dan seterusnya memberi impak yang tinggi kepada rakyat.

2. Jumlah penerima dan peruntukan bagi BSH/BRIM (sebelum ini) sejak ia diperkenalkan sehingga 2018 adalah seperti jadual di **LAMPIRAN A**.

3. Bagi tahun 2019, sepertimana yang diumumkan oleh Kerajaan, BSH 2019 dijangka memanfaatkan lebih daripada 4 juta isi rumah dan melibatkan peruntukan hampir RM5 bilion. Bayaran BSH 2019 fasa pertama sebanyak RM300 telah dibuat pada 28 Januari 2019 menggunakan pangkalan data BSH 2018 yang memanfaatkan sehingga 4.1 Juta isi rumah dan melibatkan peruntukan berjumlah RM1.2 bilion.

4. Kerajaan juga telah bersetuju membuat bayaran RM100 *one-off* kepada setiap individu yang berdaftar di bawah kategori bujang dalam pangkalan data BSH 2018. Bayaran tersebut akan dibuat pada hujung bulan Mac 2019 dan dimasukkan terus ke dalam akaun bank mereka. Bayaran ini akan memanfaatkan lebih daripada 3 juta individu dan melibatkan peruntukan hampir RM300 juta. Berhubung dengan bayaran selanjutnya, kadar bantuan BSH bagi 2019 untuk golongan bujang akan dikaji semula dan dibentangkan kepada Jemaah Menteri untuk dimuktamadkan.

5. Untuk makluman Ahli Yang Berhormat, Kerajaan akan memastikan semua bantuan Kerajaan adalah berkesan dan menepati kumpulan sasar yang ditetapkan terutamanya golongan B40.

**SOALAN NO : 458****LAMPIRAN A**

Tahun	Isi Rumah (RM3,000 dan ke bawah)		Isi Rumah (RM3,001 – RM4,000)		Individu Bujang (RM2,000 ke bawah)		Jumlah	
	Bil.	RM	Bil.	RM	Bil.	RM	Bil.	RM
2012	4,179,062 (RM500)	2,089,531,000	-	-	-	-	4,174,062	2,089,531,000
2013	4,806,500 (RM500)	2,403,250,000	-	-	1,995,923 (RM250)	498,980,750	6,802,423	2,902,230,750
2014	4,275,026 (RM650)	2,778,766,900	376,257 (RM450)	169,315,650	2,308,266 (RM300)	692,479,800	6,959,549	3,640,562,350
2015	4,271,964 (RM950)	4,058,365,800	428,630 (RM750)	321,472,500	2,736,928 (RM350)	957,924,800	7,437,522	5,337,763,100
2016	3,625,098 (RM1,000)	3,625,098,000	398,076 (RM800)	318,460,800	3,080,675 (RM400)	1,232,270,000	7,280,494	5,361,306,050
2017	3,843,467 (RM1,200)	4,612,160,400	392,319 (RM900)	353,087,100	2,980,956 (RM450)	1,341,430,200	7,216,742	6,306,677,700
2018	3,803,909 (RM1,200)	4,564,690,800	324,973 (RM900)	292,475,700	3,053,900 (RM450)	1,374,255,000	7,182,782	6,231,421,500